


拾枯存殘集



李庭辉，史家，间为
辞章，以自娱耳。

诗有《鸡肋集》、《三
弃诗集》、《菩提

叶》、《一只小鸟的

话》、《望星楼黑馥》以
及本书。

散文集有《觉照心
语》与《馥澜水花》。

目录

序	一
绿叶枝头日唱歌	三
吟风弄月确同流	十五
妻死高歌更鼓盘	四一
世事无心早挂冠	五五
如今游戏但文章	六七
艰难最是作生人	七三
上帝也曾伤透心	八五
游鱼思水往新山	一〇七
自有真怀藏简朴	一一七

绿叶枝头日唱歌

寒酸不足 阔绰有餘

学人下海 抛却经书

退休后，经营小生意，尘粟成就，沾沾自喜。

一杯咖啡 没了是非

天大秽事 尘埃风飞

最近学得耽饮咖啡。

日日俱佳日 年年过好年

了无纤芥事 也不急参禅

往时，每夜必有规定时间坐禅，今既每日廿四小时皆解放，无刻不佳，则不再「循规蹈矩」。

此地长年夏 心安即老家

夜晴陪皎月 日暖赏名花

此中饶妙境 夜夜诵僧诗

放下成光棍 欢娱不可支

夜读历代高僧山居诗，近来习以为常。当学会一切放下，成为光棍。

世上原无我 时来复化无

心胸开广阔 事事不牵拘

平平静静心境 静静平平海洋

长空望眼廖阔
万丈朝阳吐芒

朝过英伦海峡。

潇潇洒洒送年光
可向南冥可榆枋
显有星群微有菌
虚空无物不安藏
无有不可。

《庄子·逍遥游》：鹏飞南冥，蜩与学鸠则抢榆枋而已。

北往南来常自得
两皆安稳可栖身
乐仁静处高山妙
徇智频临大海滨

时常来往怡保星洲之间，怡保近处有金马仑高原，星洲环岛有海。
《论语·雍也》：「子曰：『知者乐水，仁者乐山。知者动，仁者静。』」

心舒高枕自安眠 不念当官不念钱
万里月明清丽境 梦随月去作飞仙

文章未有能传世 朝夕吟忙但遣时
人老百无堪一用 不耽五好作书痴

粤人称嫖赌饮荡吹为五好。

休后生涯未寂寥 圣贤相伴昼连宵
山花烂漫何求问 勃勃生机自展招

休后谓退休之后。

闲中可味闲中意 事事无心事事宽

勿代阿拉劳手足 得风得雨有何难

回民称上帝为阿拉。

自有文章堪渡日 更无俗事扰清心

黄兄朝夕传佳句 玩味茶前慢慢斟

黄永恩诗兄与吾唱和，频传佳构。

文豪诗杰口花花 妙语如珠胜过茶

幽默一株开茂盛 僧人那有此才华

幽默被误为口花花。

成语有云：「妙语如珠。」

俗语有言：「口水多过茶。」

岁月悠闲清静过 庸人自扰召摧磨
饱馥飞鸟知趋乐 绿叶枝头日唱歌

愚人心地少机关 老毒情怀但爱闲

耽食耽眠耽懒坐 看花看水看青山

狮岛有花有水，但无高山，故思念故土马来半岛，尤为殷切。

欲娱双目赏瓶花 如纵喉唇试好茶

两膝仅容斯陋室 德馨人说自光华

刘禹锡《陋室铭》：「……斯是陋室，惟吾德馨……」

三杯两盏敞胸襟
愁不容来苦不侵
我祖青莲多慷慨
命终捞月亦高吟

今日何曾眉或皱
身同意气共风飞
上天下地随心往
渡海穿山倦不归

列子乘风而游，可学也。

炎夏欣逢作远游
老驱骨健未须愁
穿山越水飞千里
盛绿繁花到美洲

倒

译

丫头落枕送无事
蜜蜜甜甜到晓钟
梦蝶实嫌多一举
娘胎未出暖融融

庄周曾梦作蝴蝶。

《老子》：「……我独泊兮其未兆，如婴儿之未孩……」如能仍处母体之内为胚胎则更妙。

「冬」「东」通押。

无心万事焉招扰
岁月悠闲意态欢

神往脚行言两可
东南西北地天宽

阴霾消散一天光
大地清新写绿章

今日尚存兼得暇
颐年各颂乐安康

年光早份已无多
问汝前头作什么

日出起身烧饭吃 月升就榻梦婆娑

年将就木，惟日夕食眠自乐，不作他想。

昔年声望响春雷 佼佼群儒似占魁

一现昙花天作主 心经读罢笑多回

吟風弄月
确同流

致黄永恩

小杯大碟短长斟，两老唠叨居士林。
诗偈对倾磨日月，一言一语是真心。

与黄永恩唱和。

岂曾蓄此恶心肠，黑夜沉沉不见光。
窈女无辜身撇首，苍天六月亦飞霜。

余为诗，惯常推敲无定，寄呈永恩请益，永恩疑吾故佈疑阵，考其
作诗进境，杯弓蛇影，余甚苦之。

关汉卿撰剧《窈娥冤》，言窈娥无辜被刑故事。

三日为诗多十首 难停心事难停手
何嗟年迈意干枯 未遇挑情黄老友

余已久不为诗，永恩瑶章频降，余遂饶舌酬和。

皆因交手出功夫 独掌难鸣势太孤
日月星辰兼万物 阴阳相抵展宏图

《诗偈对倾》结集后，永恩即辍唱和，书此以劝之「重出江湖」。

要君劳苦并无因 海量胸怀自不嗔
能者从来肩少息 万机日理独超尘

近日，除余与永恩唱酬外，徐持庆黄松龄亦加入，游戏中，永恩须作诗，又须为各人稿件打字印发，并须充作「邮局」，为各人传达

作品，情况苦极，书此慰之。

白眼抛来翘鼻往，我行我素我孤芳

文章百世千年事，冷落一时非大妨

遭人奚落，「以爪还爪，以牙还牙」，永恩如此主张。

五车书载学溶溶，美酒陈年扑鼻醅

如铁两肩担道义，一言一语一尖锋

淳于兄诗文，言之有物，辞语辛辣。

《庄子·天下》：「惠施多方，其书五车。」

明、杨继盛为人耿直，曾劾权相严嵩遭杀。名句：「铁肩担道义，辣手著文章。」出自其手。

供书教学早存粮 一技防身保不亡

恩泽如天嗟父母 何曾孝子怨爹娘

余曾有句云：「……当年父母行其乐，万错千差造个人」，永恩因疑吾怨恨父母，殊弗知此为反语，作此绝以释其惑。

推干就湿寻常事 问暖嘘寒亦浅恩

战火凶危先己受 於今欲报了无痕

日本皇军进占怡保，家严挈眷避入朱毛山区，只身回城，继续「搵食」喂雏，冒生命危险，至今思之，情犹激动。

市中吾本一屠夫 九品生来最下愚

学礼学诗何自量 丐邦论份可称孤

永恩时常有言称赞，余羞惭承受。家父营屠业，余少时随从奔走。

学浅才疏常自量 惹人指骂辱爹娘

谦恭受益骄招损 多见多闻判短长

永恩常责余惯好「妄自菲薄」，书此以报。

今见神龙过大江 一枝彩笔一枝钁

三分人木三分妙 奔窜鱼虾急攒沲

淳于兄以讽刺诗鸣世，《本地姜》亦辛辣。

有名士曾留名句：「人木三分骂亦佳。」

未裹袈裟岂似僧 沿门托钵但招憎

星洲最是新潮地 一蹶空门贱过蝇

告永恩余虽心皈佛陀，为何尚未落发为僧。

夫子何为唾杂家 有容乃大放千花

博闻强记人称善 满腹经纶气自华

淳于兄常嗤吾学多而博杂不纯。

黄时大桔最清甜 永忆几年独得沾

恩惠於今多善句 兄真赐我日安恬

以永恩姓名嵌诗。

不為人伪任由天 凡事量诚挑一肩

辣手文章吾伯仲 扶摇万里共相牵

与淳于兄共勉。

致怡保山城诗社社长徐持庆先生

持庆先生来诗赐教，即和以报。

百姓无炊日琢诗 身为宰辅不匡时

强兵富国跻王霸 季末昏尘削我眉

多年前某日，曾参与新加坡前某国家领导人所召开之会议，席间，该领导人谓，近曾访问巴基斯坦，发现该国负责人甚少关心人民生活，喜谈文学。

好事鲜为耽玩诗 枉称俊杰弗知时

丈夫立志同管乐 盛世昇平得展眉

余亦耽溺辞章，少问经济，当场即受训斥。

管即管仲。管仲相齐桓公，通货积财，富国强兵，益周室，攘夷狄，九合诸侯，一匡天下。事见《史记·管晏列传》。

乐即乐毅。乐毅事燕昭王，拜上将军，曾率燕、赵、楚、韩、魏五国兵伐齐，大破之；诸侯罢兵归，毅独留，徇齐五岁，下齐七十餘城以属燕。事见《史记·乐毅列传》。

为贤为圣未曾思 存命但求无所之

雏凤卧龙多选客 致君尧舜有皋伊

余受责后，无言以对，只心中自我辩白。

诸葛亮《出师表》：「……苟存性命于乱世，不求闻达于诸侯……」

庞统，人称雏凤，诸葛亮，人称卧龙，两人股肱刘备，争夺天下，事见《三国志·庞统法正传》、《诸葛亮传》。新加坡政府有组织名金字塔俱乐部者，内中人材济济。

杜甫《奉赠韦左丞丈二十二韵》：「……致君尧舜上，再使风俗

淳……」

皋陶，虞舜贤臣，造律立狱。《尚书·舜典》：「皋陶，汝作士。」

伊尹，商汤贤相。商汤灭夏，伊尹功多。

黄犬难拖哀李斯 庄生鄙鼠笑兄施

既知老病死堪苦 何必江湖冒险危

秦始皇并吞天下，李斯事之，多所建树，拜相。始皇崩，二世立，赵

高用事，赵李互忌，赵诬李反，论斩，赴刑前，李哀叹不能复如往昔，牵黄犬邀游逐狡兔。事见《史记·李斯列传》。

惠施相梁，惧庄周夺位。庄周谓己为鹓鶵，非梧桐不止，非练实不食，非醴泉不饮，而惠施鸱鸟，得腐鼠，鹓鶵过之，恐惧夺鼠，仰视曰吓。故事见《庄子·秋水》。

佛说生老病死为人生大苦。

致徐持庆仁兄

人人遁世欲为僧 烦恼丝缠苦未能

留世度愚称一善 此身菩萨耀明灯

黄永恩转示徐持庆近作一首，即和寄呈，劝勿滋生厌世之想。持庆

诗云：「欲了凡尘效野僧，遁名廿载愧未能，安禅无份缘何故，欠却袈裟佛一灯。」

恒河沙数历朝僧 见性明心几慧能

脱俗岂如留俗好 居家处士有明灯

永恩又电告黄徐唱和两首，因书再致持庆。

慧能为禅宗六祖法号。

据北盘南两妙僧 才高十斗富奇能

曹溪说法期非远 照耀人间悬宝灯

永恩复寄示二人更多佳构，春花烂漫，因和戏作此首，并以下三首。

徐住怡保，据北，黄住新加坡，盘南。

慧能於曹溪立寺宏法。

说了诗来又说僧 艺文玄理百般能

有人断臂求闻道 苦海狂涛喜见灯

僧人神光求禅宗始祖达摩收为门下，达摩不允，神光断臂见志，达摩遂允，并赐名慧可。后，慧可嗣达摩为禅宗二祖。

余欲拜黄徐为师也。

有诗如偈可为僧 自古黄梅饶异能

题壁北南开两派 至今愚昧赖明灯

禅宗传至五祖弘忍时，本寺住黄梅山。有日，弘忍欲选弟子中俊秀

者为本宗继承人，遂命各弟子言明修道心得以应选，神秀於是题诗壁上展释见解，慧能亦题。弘忍肯定慧能所言，遂授衣钵於慧能。神秀所主为渐悟法，慧能所言为顿悟法，两人遂开禅门北南两派。

余戏言黄可作慧能，徐可作神秀。

两黄潇洒不为僧 一李癡狂苦未能
幸有真心持庆在 归舟早趁伴莲灯

两黄为黄松龄与黄永恩，一李即本人。

又致持庆

今朝喜见真君子 敲梦轩诗早驻心

花草幽居尘外境 高山流水听长吟

持庆有《敲梦轩诗稿》行世。

其敲梦轩真仙人所居。

千辛万苦都无事 风雨波涛亦等闲

多谢徐君披肺腑 一言一语带通关

余生平坎坷，持庆亦数遭周折，尝劝余放开怀抱，勿念过往，当以积极态度对待一切。

作赋谈禅连昼夜 轩西何异竹林情

既劳下榻兼忙役 高义如云我庆兄

回归怡保，持庆殷勤接待，又为奔役。

晋·山涛等七人，常游集于竹林之下，肆意酣畅，世称竹林七贤。

事见《世说新语·任诞》。

徐稚，豫章南昌人，贤德有令名，太守陈蕃甚敬重之。蕃在郡不接宾客，唯稚来特设一榻，去则悬之。事见《后汉书·周黄徐姜申屠列传》。

徐家夫子多颜色 诗赋纷飞天散花

李白酒酣尝倚马 陈王剑下溢丰华

持庆为文，辞藻绚丽，执笔立就。

宋之问《设斋叹佛文》：「……龙王献水，喷车马之埃尘；天女散花，缀山林之草树……」

《世说新语·文学》记有袁虎者，倚马作文，手不辍笔，俄得七纸，极神速。李白《与韩荆州书》有云：「……虽日试万言，倚马可待……」

陈王，谓陈思王曹植。曹丕曹植为兄弟，曹丕忌弟才，继皇帝位后，欲杀之，尝限令七步成诗，植应声立就。故事见《世说新语·文学》。

植物园中万种娇 亭亭婀娜美人蕉

牡丹有幸登徐赋 但愿灰姑亦上谣

《敲梦轩诗稿》常咏牡丹，余独喜美人蕉，因劝徐切勿忽略。灰姑

即 Cinderella。

诗词歌赋亦寻常 光耀群伦另异香
好义施仁闻里巷 一时风范我徐郎

持庆仗义疏财。

山城每见生花笔 我郑吾徐最上评

烟雨高原能把袂 赏诗品画倒杯倾

山城，怡保也。郑为郑少如，名画家。郑徐为挚友。高原，谓金马
仑。

轩西岁月乐无边 几度蟾华缺复圆

花卉少如香扑鼻 瑶笺持庆韵缠绵

人生高义杯中物 世道倾蹄洞里禅

指日北还谈夜雨
清图漫赏玩名篇

致黄松龄

秋游欢乐无惆怅
月白枫红千物唱
愧我尘缠不得行
未随君子同流荡
时黄在伦敦。

祝君多饮葡萄酒
勿要佯为道学家
醉后神仙穷碧落
定无心事乱如麻

致二黄一徐

二黄谓黄松龄与黄永恩，一徐谓徐持庆。

曹杨貌合心非契 善忌偏狂总不侔

唯有徐黄兼此李 吟风弄月确同流

杨修事魏武帝曹操，常识破帝心机，后帝藉故杀之。事见《三国志·魏书·武帝纪》。余仕宦，几有杨修之遇。

我去徐黄九万里 欲持羊角苦无能

跃腾丛灌沾沾喜 斥鷃何思并大鹏

斥鷃与大鹏故事，见《庄子·逍遥游》。

李黄朋党岂无师 切琢磋磨决大疑

应对何妨天亦问 知人肺腑在于诗

近日，余但与黄松龄、黄永恩过往，心目中，三人结为朋党。

《论语·述而》：「子曰：『三人行，必有我师焉；择其善者而从之，其不善者而改之。』」

《诗经·卫风·淇奥》：「……有匪君子，如切如磋，如琢如磨……」

《论语·季氏》：「……子曰：『不学诗，无以言。』……」

《楚辞》有《天问》篇。

终南老子临天下 道骨仙风善养生

竹里步兵耽美酒 一诗一偈一瑶觥

黄松龄似老子，徐持庆似阮步兵。

致冯荣誉

廿年不见吾冯老 依旧风怀抱酒瓶
一席殷勤倾肺腑 感君知己倍叮咛

兄弟五人殊异彩 仁慈我誉满胸襟
但分钱帛慳分惠 醉月圆中观世音

冯荣誉有兄弟五人。

醉月圆为荣誉所设酒楼。

荣誉对待仆役，如同兄弟子侄。

但知寻乐老顽童 镇日沉迷酒赋中

福祿壽全仙八個 聰明且學乃尊翁

怡保有八人，时常聚会饮酒玩诗，徐持庆、冯荣誉为八众之二。

祝怡保山城诗社建立五周年纪念暨全球汉诗
第六届研讨会胜利召开

于世铮铮有令名 天财地宝满山城

今时又更芳尘振 文彩风流展异旌

怡保市素以锡矿闻名於世。

《新加坡文艺》二十春秋大庆祝辞

吾道或孤

未需浮海

义当行之

荡荡自在

《论语·公治长》：「子曰：『道不行，乘桴浮於海……』」

《论语·微子》：「子路曰：『……君子之仕也，行其义也……』」

《论语·述而》：「子曰：『君子坦荡荡，小人长戚戚。』」

大业万世

绝陈畏匡

天终佑命

何惧悽惶

《论语·卫灵公》：「〔孔子〕在陈绝粮，从者病，莫能兴……」

《论语·子罕》：「子畏於匡……」

《尚书·泰誓中》：「……天乃佑命成汤……」

唐玄宗《经鲁祭孔子而叹之》：「夫子何为者，栖栖一代中……」

翻捡旧相簿

往昔唯从相片看 东鳞西爪也相干
至亲至爱犹馀几 多少同窗已入棺

妻死高歌更鼓盆

镜前馀老身 岂值半钱文

岁月匆匆过 儿孙待送焚

事无难放手 所执何曾有

父母偶为欢 苦甘留尔受

未须烦得失 事事有其然

为计虽由己 功成乃自天

凡事应从简 伤神在认真

何须冰日饮 五内尽如焚

《庄子·人间世》：「……今吾朝受命而夕饮冰，我其内热欤？」

知理何需怨老天 或灾或福总由缘

放开拳掌毋追究 未到终年万化烟

无家无国兼无己 身世横风扫雨烟

祸福何门尝有问 不因人罪不因天

《老子》：「……祸兮福所倚，福兮祸所伏……」

前时世上原无我 此后人寰弗见吾

往昔何曾浮宇宙 未来当晓复归无

现代科学家言，在「大爆炸」发生之前，并无宇宙。

平日生涯意态宽 吉凶事事等闲看

漆园自有真怀抱 妻死高歌更鼓盘

庄子为漆园吏，妻死高歌鼓盘，事见其所著书《至乐》篇。

无他无我在胸中 即此情怀是至公

细察深思长体验 从空来有竟还空

一切皆空。

夜叉此视似莲花 春瓣他看是恶叉

万法由心明至理 可埋地狱可升华

所见如何，全凭观点。观点乃主观者。

边幅任天何必修 痴愚多事我师丘

老聃早已知之稔 妙諦人生在解牛

吊几郎当作人最善。

不修边幅：不拘小节，衣着、容貌听其自然。

丘：孔丘。老聃：老子。

《庄子·养生主》有「庖丁解牛」故事，倡议作人须顺自然。

有何尊贵但微尘 天下区区此一身

亿兆星群犹尔尔 称皇称帝可怜人

人类本来非常渺小。

长征勤敏念弥陀 未必修成可奈何

一悟无吾当下破 不忧妖孽不忧魔

能知无我，立地成佛。

人生味少非渣滓 无难无灾是醒醐

至寂至空先大爆 能知归去即浮图

当学清静无为。

现代科学家有言：远古有次大爆炸，产生现今宇宙。

几曾闲事上心头 惹祸招灾树怨仇

猫犬两情殊好恶 黄棕黑白岂同忧

人间是非，无暇多顾。

茫茫宇宙是吾家 亿兆星群咫尺遐

跃出夜郎宽耳目 樊笼破却尽开花

鸟困樊笼，自必求脱。

杀身惹祸在横眉 遮莫英雄自我期

世事何由分善恶 刀枪相见最堪悲

善恶难辨，勿逞英雄。

上帝未尝除撒旦 大人处事论心胸

仇深九世何须报 两颊批来尽可容

俗语有云：「得饶人处且饶人。」

《春秋公羊传》庄公四年：「远祖者，几世乎？」「九世矣。」「九

世犹可以复仇乎？」「虽百世可也。」

《圣经·马太福音》五章，三十九节：「但我告诉你们：受恶人欺
负，不要计较。有人打你右颊，就连左颊也转过来让他打。」

人人有日必归天 不散从无美酒筵

虽死庄周教勿哭 抛开万累好松肩

死亡为至累，若对死亡无惧，则万累可抛。

寻到头来万是非 岂曾混世与人违

百无一法能消孽 任醉醍醐或吗啡

烦恼寻来，但能自我麻醉。

潜居久作独家村 事事推开谢出门

人世莽林无大异 兇禽恶兽祸根源

深居简出，以避祸患。

世俗乖离视不然 万般无谓但参禅
至微涤净吾身垢 虽与同尘可避偏

参禅至少可以救己一人。

《老子》：「和其光，同其尘。」

《涅槃经》：「是人为欲调伏如是诸比丘故，与其和光，不同其尘。」

即我苍天终有尽 名山事业最难留
藏珍非智藏于壑 无有之乡可寄舟

勿存妄想。

《庄子·大宗师》：「夫藏舟于壑，藏山于泽，谓之固矣，然而夜半，有力者负之而走，昧者不知也……」

装疯作假是行妨 虽入天牢异梦乡
笑骂他痴非我事 坐行卧立不琅琅
不须装假。

虫蚁求生来不绝 有灵有性焉应灭
庭除洒扫万留心 人要慈悲尊佛说
虫蚁虽可恶，不应杀害；阴人虽常骚扰，不须对付。

黄叶高低同样坠 迁移岁月共成泥

生平贵贱分君庶 地下饥虫蛀到齐

死齐贵贱。

但行莫问更何之 入地升天未可期

平日生涯嗟甚好 春花秋月任随时

无志无求。

为文作赋终何用 岁月迁移未可留

即我玄空来日尽 岂如行乐此春秋

文章不留，不如行乐。

早抛空计作长征 雾锁烟封毙小城

册五愁年缸里鳖 呼天抢地已枯情

余自怡保南来，转瞬已四十五年矣。

丈夫勿只为身谋 起卧每思天下忧

少小但听贤圣训 近棺痛洗腐儒头

少年丰采似飞虹 中岁知天转淡冲

日月无情拖带急 老来果熟喂饥虫

人生各个阶段，皆有转变。

粤海昔年瞻皓月 雪城此夜望冰轮

浮生哀乐何堪问 屈指匆匆四十春

世事无心早挂冠

廿年孤处绝繁华 无臭无声久作哑

实腹虚心排日月 补天妙手让灵娲

《老子》：「……虚其心，实其腹……」

女媧氏练石补青天，故事见《淮南子》。

珊瑚头角硬於菱 冷冷心肠冻似冰

面壁九年无此晦 不窥明月不窥灯

禅宗东土初祖达摩，住嵩山少林寺，终日面壁，凡九年。

世事无心早挂冠 芥舟急遁避危滩

鱼虾龟鳖混厮杀 袖手从旁冷眼看

无欲无求即自由 何烦烂额并焦头
不囚己我为奴隶 作个真人非马牛

疏狂成性作官难 论事评人慧眼看
自份不才明主弃 林泉岁月一枝安

有好友谓予生性疏狂。

孟浩然《岁暮归南山》：“……不才明主弃，多病故人疏……”

《庄子·逍遥游》：“……鹤鹑巢于深林，不过一枝……”

自知市井一庸人 岂是豪民显宦身

社稷朝廷非鄙份 关心作计惹艰辛

「庶人不议」。

钟鸣鼎食未关心 淡饭粗茶惯至今
富贵浮云如不义 还须出处弗停斟

张衡《西京赋》：「击钟鼎食。」

《论语·述而》：「子曰：「……不义而富且贵，于我如浮云。」」

万事何须要上心 英雄贤圣密如林
吠尧吠跖招憎厌 不必诒人送俎砧

闲事勿理。

《战国策·齐（六）》：「跖之狗吠尧，非贵跖而贱尧也，狗固吠非其主也。」

日闭高楼娱笔墨 蒙蒙昧昧一闲人

平生检点无功过 未作净臣未佞臣

于今已是自由人 勿再求钱折老身

从古薄颜轻五斗 堂堂宰辅要臣臣

自劝。近有邀出山者，赋此明志。

晋·陶潜不为五斗米折腰。

汉·扬雄《太玄·盛》：「小盛臣臣，大人之门。」晋·范望注：「臣臣，自卑贱之意也。」

屈膝卑躬事事从 此中三昧可登龙
唯唯诺诺鹿称马 位极人臣跻绝峰

《史记·秦始皇本纪》：「……赵高欲为乱，恐群臣不听，乃先设

验，持鹿献于二世，曰：「马也。」二世笑曰：「丞相误邪？谓鹿为马。」
问左右，左右或默，或言马以阿顺赵高。或言鹿，高因阴中诸言鹿
者以法。后群臣皆畏高。」

水中闻有潜居蟹 地上焉无避世人

博浪何求拼死活 桃花源里早亡秦

张良，先人五世相韩。秦灭韩，良得力士为韩复仇，狙击秦始皇帝
博浪沙中，不成，亡去。后秦覆灭，刘邦项羽争天下，乃助刘灭项。
事见《史记·留侯世家》。

陶潜作《桃花源记》，谓秦时有避乱者，愚居其中。

衣裳未似出家人 心事寥寥早脱尘

深鎖重門无客到 寒温少叙亦疏邻

四面小洲环大海 一方井底欠高山

文人丧义能捞水 处士归真困避奸

文人经商，俗称下海。人有钱银，粤称有水。处士归真，有高山可
隐，方可避奸。

有言毋作亏心事 门户何惊半夜敲

可悟替天行大道 无时不惹懵颠抛

俗云：「平生莫作亏心事，半夜敲门也不惊。」

忠厚为人直肚肠 於斯大任志堂堂

少年学得多怀抱 老朽方明世道常

《孟子·告子下》：「……故天将降大任於斯人也……」

空心从不系兴亡 国是匹夫焉敢当
烦恼勿寻骑鹤去 毋需看戏太多场

无心世事，骑鹤飞去，云外逍遥。

我心有泪何曾哭 口绝狂言稀谤讟
看地看天看日月 年来年去甘孤独

世外孤居岂自甘 刀横强项夕朝担
杀妻鬻己求荣宠 弗义飞腾我大惭

《史记·孙子吴起列传》：「吴起者……好用兵……事鲁君。齐人攻鲁，鲁欲将吴起；吴起取齐女为妻，而鲁疑之。吴起於是欲就名，遂杀其妻，以明不与齐也。鲁卒以为将……」

修持岂为长生计 只为空心制毒龙
勿谓人间多险恶 自家胸里满刀锋

王维《过香积寺》：「……薄暮空潭曲，安禅制毒龙。」

何情未了溺伤悲 俗世仙寰两可遗
自有真怀饶定力 更无一疾渴求医

满腹无多虽饮河 栖林但占一巢窝

耿詔自致栖栖苦 不听楚狂清醒歌

《庄子·逍遥游》：「鷦鷯巢于深林，不过一枝；偃鼠饮河，不过满腹。」

《论语·述而》：「子在齐闻韶，三月不知肉味。」

唐玄宗《经鲁祭孔子而叹之》：「夫子何为者，栖栖一代中？」

《论语·微子》：「楚狂接舆歌而过孔子曰：『凤兮凤兮，何德之衰！往者不可谏，来者犹可追！已而已而，今之从政者殆而！』」

何必挂心人白眼 无车无宅情羞赧

曲肱瓢饮古称贤 口舌鄙嗤还以莞

星洲人多慕美车、华厦。

《论语·述而》：「子曰：『饭疏食，饮水，曲肱而枕之，乐亦在其

中矣。」又《雍也》：「子曰：『贤哉回也！一簞食，一瓢饮，在陋巷，人不堪其忧，回也不改其乐。贤哉回也！』」

宁做昇平犬

毋为乱世人

宁沦当走卒

毋陷作危臣

地上多逢鬼

天堂少遇神

犯非图富贵

难保硬腰身

如今游戏但文章

日日书缠手 朝朝坐炼丹

岂因文字故 犹未出函关

老子避世，出关远引，不知所终。事见《史记·老庄申韩列传》。
余虽身滞尘寰，然精神早已出世。

拈笔翻书昼夕忙 如今游戏但文章

明知此道无衣食 送老遣时癫更狂

夜夜伴眠书满床 未能分乐惜红妆

沉沉变蝶求仙去 花浪何曾逐野香

庄周作梦，曾变蝴蝶。

庄周为后世求仙者祖师之一。

作赋读书磨白日 造车闭户意翩翩

未能兼善诸天下 三省频频但养贤

《孟子·尽心上》：「古之人，得志泽加于民，不得志修身见于世；

穷则独善其身，达则兼善天下。」

《论语·学而》：「曾子曰：『吾日三省吾身……』」

文字岂曾谩浊世 苏张未许染毫端

无邪大哲留明训 木铎长摇敞肺肝

苏谓苏秦，张谓张仪。

《论语·为政》：「子曰：『诗三百，一言以蔽之，曰：『思无邪。』』」

《论语·八佾》：「仪封人……曰：『……天下之无道也久矣，天将以夫

子为木铎。』」

为诗作赋同儿戏 廊庙文章岂累心

社稷安危皇室事 皂台非类勿轻侵

《左传》昭公七年：「……天有十日，人有十等，下所以事上，上所

以共神也；故王臣公，公臣大夫，大夫臣士，士臣皂，皂臣與，與臣

隶，隶臣僚，僚臣仆，仆臣台……」

本欲无言又侈言 未能脱苦更何论

前头风雨无休日 自古人间不少冤

好日为诗三两首 功完掷笔缄金口

安禅坐定出尘埃 如此保生期视久

今时日常生活，但咏诗坐禅。

人若为诗有苦衷 非思文墨逞英雄

沉沉永夜寒销骨 盼极朝来见日红

有之于内，形之于外。

日夕呻吟玩小诗 冲霄无翼陷污池

天何生我愚如此 慕圣希贤作白痴

劳劳草草数平生 又到崎岖几驿程

剩有舌唇崩未了 凄然学鸟作悲鸣

《论语·泰伯》：「……曾子言曰：「鸟之将死，其鸣也哀；人之将

死，其言也善……」」

艰难最是作生人

心中横桎梏 舌上绝文章

一忌焚鱼蠹 二惊坑内亡

秦始皇焚书坑儒，事见《史记·秦始皇本纪》。

发落如秋叶 心寒似雪霜

六旬弹指过 未作国贤良

到时一解作泥尘 哀乐都休虑此身

六道何言地狱苦 艰难最是作生人

六道者，谓天道、人道、阿修罗道、畜生道、饿鬼道与地狱道。

竟沦社会扫边人 财势眼中同粒尘

不是为非兼作歹 只缘赶贼拒呼亲
无面无目，非由己罪。

抛却红花蜗角屋 来谋衣食捋狮头

酸甜苦辣都尝尽 荏苒光阴四十秋

故居在马来西亚怡保市大和园区，系一小木屋，四周多种大红花。

新加坡乃梵文 Singapore 中译，意义为「狮子城」。

为衣为食当牛马 横忍兇呵直忍鞭

还我尊严佳面目 污泥撇下出红莲

少年英发有光辉 中岁无端事事违

人晚今如冬槁木 掩关隔世不掀帙

疯子文章君尔读 换来一笑吾虽哭

乱人乱世神魂乱 缄口平时僵木木

日月周旋不作声 妄人何故咀嚶嚶

若愚大智伸明训 三舍由之可息兵

《老子》：「……大智若愚……」

《左传》僖公二十八年：「……退三舍避之。」

不知何事尚牵心 日日新闻听播音

必是关怀鱼鸟运 开门揖盗是非侵

迟眠每夜孤灯读 未觉匆匆五十年

今日方知沦下品 唯怜一命近烧烟

《训蒙幼学诗》：「万般皆下品，唯有读书高。」自少好读，至今方

悟读书为最下品。

从十五岁至六十五岁，计五十年。

岂有情怀似少年 无忧无虑胜神仙

暮年已味千般患 况复由人锅上煎

今日喜逢君子会 明朝尚待猛诗看

如云世事多欺谩 处处伤心写不完

《诗偈对倾》问世，淳于汾兄盛宴曾鼎力玉成美事之各位友好。

口舌翻飞是祸根 杨修断命作冤魂

弄文更有痴愚甚 人人坑时书也燔

杨修故事，见本书页三五。

秦始皇焚书坑儒，事见《史记·秦始皇本纪》。

为功为罪任人言 偶发牢骚未有门

死地置之寻故易 飞霜六月久吞冤

《左传》僖公十年：「……欲加之罪，其无辞乎？……」

关汉卿撰剧《窦娥冤》，言窦娥无辜被刑故事。

小人心事羊肠道 曲曲弯弯上下山

偏喜揣猜君子腹 杀人双手未休闲

二十长年埋市隐 朝朝夕夕戒中过

亲朋故旧断丝线 剑戟刀枪满地罗

馀年但与书为伴 相识都成陌路人

一鸟一花犹可信 圆颅方趾不能亲

李下瓜田嫌避惯 杯弓蛇影漫生非

年年关掩枯禅坐 日日阴人密察微

一为贤圣便捱贫 迂腐傍弹乞丐身

今世西潮淹大地 赤痴都作拜金人

淳淳垂训说书香 每逛书庄喜若狂

回首少年愚昧事 揪他贤圣上公堂

悔听圣贤教训，作了书虫。

一枝得息更何求 饮啖无多可罢休

怜极市廛锅上蚁 赚来烂指并焦头

《庄子·逍遥游》：「……鷦鷯巢於深林，不过一枝；偃鼠饮河，不

过满腹……」

炒股票而亏蚀本钱者，俗谓烧着手指。

「焦头烂额」为一常用成语。

蓬头垢面一残身 浸润江湖历有因

为报三春沦贱草 任人践踏混泥尘

孟郊《游子吟》：「……谁言寸草心，报得三春晖？」

何须身世叹悲凉 马倦人疲道路长

苦极天公同洒泪 几番风雨几冰霜

往时岁月岂须看 来日非长命已阑

一堕娘胎人即苦 呱呱啼叫大艰难

未有堕娘胎而即笑者。

年近何哀啖药频 早知大患有吾身

当年父母行其乐 万错千差造个人

《老子》：「……吾所以有患者，为吾有身，及吾无身，吾有何患？」
现今每日须服哮喘药、颈痛药、脚趾痛药以及多种维他命丸。

本欲无为又有为 未能安静效池龟

一茶一饭烦心窍 纵裹袈裟亦渴饥

年年月月困星洲 蛙跃飞腾欠妙猷

自份井泉埋朽骨 出关辜负老青牛

老子能骑牛出关，吾井底之蛙，脱困无术。

匆匆今夜又元宵 皎月依人倍寂寥

漫数悲欢思往昔 更无心意盼明朝

既无过去，亦无将来。

暮色沉沉日已迟 天涯无路欲何之

年年北望乡关泪 寄命枯禅寄命诗

为诗非为夸同辈 但泄牢骚避断肠

五秩华年随逝水 一生辛苦召池殃

出头尝欲拯黎庶 张手也曾输慨慷

冬降冰霜旋踵至 枯怀收拾待棺藏

俗语有云：「城门失火，灾及池鱼。」

上帝也曾傷透心

往日喊诛鬼怪

今朝拜作天仙

非因他变头脸

我自追钱发癡

政治路线，常有变易无常者。

我为人人记往前，人人为我此今先

好高慕远违天性，富裕飞腾计宅田

「我为人人」为毛泽东时代社会心态，「人人为我」系邓小平时代社会心态。

人心自私，英国学者理查·多京士 (Richard Dawkins) 所著《自私的基因 (The Selfish Gene)》言之详尽。

桑田沧海平常事，不炫红书但炫缙

记得六骸泥土造 何嫌污秽似埃尘

当娼作盗又何妨 衣锦荣归羨老乡
书蠹由他呕怨气 但听元镬响丁珰

「呕」读平声。

於今何用计长征 要建太平干净城
我为人人如梦去 秋风萧瑟已非情

毛泽东《浪淘沙·北戴河》：「……萧瑟秋风今又是，换了人间……」

苍蝇蚊子满天飞 路线谁论是与非
救得一时推命急 短长若算未心违

邓小平曾说，开窗接纳新鲜空气，苍蝇蚊子必然随之闯入。

虽分四海皆兄弟 清水焉能似血浓
报国应如吾集美 爱民当效我雷锋

咏华侨政策。

俗云：「四海之内，皆兄弟也。」

「清水焉能似血浓」为英谚「Blood is thicker than water」之翻译。

「集美」谓陈嘉庚先生，先生生于集美。

「雷锋」为文化大革命时，「我为人人」之典范。

迹时又见汪精卫 东亚同荣今换计
但佈孤家脱火坑 未知为帝为奴隶

近日，有人运动台湾独立。

二次世界大战时，日本曾经提倡在东亚建立东亚共荣圈。

竟有文章贱过泥 子桓气概未须提

寡人好货生来疾 草偃风吹眼尽低

魏文帝曹丕，字子桓，虽为政治家，但好文学，尝言：「盖文章经国之大业，不朽之盛事。年寿有时而尽，荣辱止乎其身，二者必至之常期，未若文章之无穷……」见其所著《典论论文》。

《孟子·梁惠王下》：「……王曰：「寡人有疾，寡人好货。……」」

《论语·颜渊》：「……君子之德风，小人之德草。草上之风，必

偃。」

绿豆芝麻毫末事 丘陵幻拟比天高
虽全五脏嗤麻雀 斤两秤来三两毛
俗语：「麻雀虽小，五脏俱全。」

鹤唳风声震耳边 归来宵过四更天
夜郎自大终难悔 井底乾枯烈日煎

俊杰思维易转弯 掌中时务察循环
钱财势位皆投穀 作了超人稳过山

俗语有言：「识时务者为俊杰。」

住近山边赖种田 海滨寄命捕鱼鲜

白人篱下忘宗祖 口腹无亲但看钱

海外华裔，因寄食于人，多「数典忘祖」。

俗言物以稀为贵 但有金钱侈更香

怪底世途饶异象 杀身遗臭亦行妨

世界多处「精神污染」，情况严重。

重男轻女说天然 厚薄分来但算钱

父母已无真肺腑 何求陌路有情怜

重男轻女现象，世界多处可见。

欲要人前闪亮光 于今新世有高方

一如暹佛黏金片 七尺堂堂耀异章

暹佛即泰国佛，泰国往称暹罗。暹人习俗：拜佛像时，常在像身黏贴金片，以示尊崇。

异章，即特别文彩。

无毒从来非丈夫 不称孤寡即称奴

改朝换代诛锄尽 何止波波嗜砍颇

咏柬埔寨红吉蔑领袖波波 (Pol Pot)。

开国元勋多贼种 杀人放火饰奇辞

可哀黎庶无知识 正统倡成便不疑

此种情况，历史上常见。

常说真人小是非 跖尧俱谢启心扉

歌仁唱义皆唇舌 换日偷天弄巧机

跖为古时大盗，故事见《庄子·盗跖》。尧为古代贤君，故事见《

尚书·尧典》。

陈健民《曲肱斋短笛集·寓意类·钩子贼》：「……羞学老奸谈主

义，骗来无数少年头！」

有势有权称猛龙 无权无势可怜虫

古今何怪非常辈 人杰生为死鬼雄

社会现实。

宋·李清照有句云：「生当作人杰，死亦为鬼雄。」

「东」「冬」通押。

岂有英雄肯认输 乌江未到尚生图
细量中外古今事 手段净明非丈夫

项羽非到山穷水尽，尚挣扎求生。

岂有超人顾细行 可封由我可加刑
马而为鹿鹿为马 辟地开天在绝情

妇人之仁败事，哀哉！

超人为英语 Superman 之中译。

《史记·秦始皇本纪》：「赵高欲为乱，恐群臣不听，乃先设验，持鹿献于二世，曰：「马也。」二世笑曰：「丞相误邪？谓鹿为马。」问左右，左右或默，或言马以阿顺赵高。或言鹿，高因阴中诸言鹿者以法，后群臣皆畏高。」

称王称霸寻常事 走兽飞禽每必然
勿听勿言兼勿视 作人弗易作神仙

热战凶危翻冷战 战完一线争添线
天生物类好相残 涕泪何须频洗面
人必好战，不必理会。

天中各日不相容 神箭装弦趁好风
后羿速来援弗忍 射他群鬼尽归空

群鬼称乱。

《尚书·五子之歌》：「太康尸位，以逸豫灭厥德，黎民咸贰，乃盘游无度，耽于有洛之表，十旬弗反。有穷后羿因民弗忍，距于河。」

又《左传》襄公四年曾记后羿善射。据神话，后羿乃诛妖除怪之英雄，唐尧时他曾射落九日。

因有英雄意气高 遂沦人世乱糟糟

巴枯宁死无宁日 恶海何年静滔涛

世乱有因。

巴枯宁：十九世纪俄国社会改革家，倡无政府主义。

驻世嘉名凭善业 非因地位散芬香

古来皇帝无多个 云散烟消尚显光

世间妙谛存矛盾 中外大师言必准

厚黑磨成薄与光 尔虞我诈人情尽

李宗吾言厚黑学，发人深省。

我有好朋高姓郭 游商天下常为乐

走私贩毒列豪强 救苦济贫名凿凿

度人岂在枯牙骨 今古僧伽那不知

造假造真因粥饭 愚夫但信太迷痴

作样装模世俗人 衣冠楚楚竞销魂

富家莹墓拟宫室 毁鼻开棺尽臭尘

「真」「元」通押。

吃饭睡眠天过天 难能超越六根缠

自从出现寰球上 物类何曾一变仙

六根，谓眼、耳、鼻、舌、身、意。六根慾强，成仙不易。

少有贪馋如我类 要风要雨要天开

饥鹰不过吞单鼠 汉满全肴食万台

人类极贪。

现今著名酒楼，有备汉满全席者，索价甚昂。

有势有权方有口 有金有帛桩桩有

能将麋鹿变骅骝 能使美人沦作丑

社会现实。

麋鹿变驛骐。参考本书页九五《史记·秦始皇本纪》注。

架上耶稣饮苦杯 善人无故也招灾

世途何见真公道 里巷贫寒贱墨埃

耶稣善人，亦招灾祸。

凄凉身世又如何 温暖人间未见多

尔若投缯讯看破 疯时拍掌笑呵呵

人多幸灾乐祸。

死人口面未须惊 生者容颜不可瞪

如石如柴难作恶 有灵有性满胸兵

梦来梦去兼天下 世代王师果猛男

咏孔丘。

《荀子》：「孔子为鲁摄相，朝七日而诛少正卯。……孔子曰：「……」少正卯」居处足以聚徒成群，言谈足以饰邪营众，强足以反是独立，此小人之桀雄也，不可不诛也。」《孟子》：「孔子成《春秋》而乱臣贼子惧。」

中国历代王朝，均奉孔丘为师。

削发抛家变相贪 成仙成佛万包涵

独尊唯我骄矜甚 狮子狂哮大猛男

咏释迦牟尼。

据佛典：释迦牟尼曾自诩「唯我独尊」。又：释迦牟尼说教为「狮子

吼。

经济扳高要赖贪 金钱无事不包涵

佛门要汝供香火 当了乞儿非猛男

理论上，佛门不论钱财，但却希望信众奉献香火。

不求财，或沦为乞儿。

科学教宗新式贪 普罗专政亿包涵

飞机大炮推前进 血洗寰球叹猛男

咏马克思。

古来发达尽由贪 共仰洋人万有涵

洗脑神州风扫雨 癫狂十亿作奇男

中国自七十年代末期后，改弦更张，全国呈现一种新面貌。

五千垂教未由贪 人海凶波此尽涵

拂袖出关无反顾 亿年万代一真男

咏老子。

《老子》一书五千字。

奔驰为口火烧煤 稍解劳伤烟与杯

人类凄凉何厚责 生途世事逐桩哀

人类有难言之隐。

洗脑神州风扫雨 癫狂十亿作奇男

中国自七十年代末期后，改弦更张，全国呈现一种新面貌。

五千垂教未由贪 人海凶波此尽涵

拂袖出关无反顾 亿年万代一真男

咏老子。

《老子》一书五千字。

奔驰为口火烧煤 稍解劳伤烟与杯

人类凄凉何厚责 生途世事逐桩哀

人类有难言之隐。

夜夜枯心待曙辉
寒风猎猎闯重帏
天公未解人间苦
处处狂潮泪涌矶

上帝也曾伤透心
朝朝落泪到如今
必因人世多艰苦
撒旦横行未可禁

游魚思水往新山

人老珠黄召鄙嗤 飞扬跋扈龇韶欺
他年亦染斑斑发 胯下丢颜任小儿

西化少年，多不尊重长辈。

韩信微时，尝受少年胯下之辱，事见《史记·淮阴侯列传》。

古稀三两麋孤亭 心事倾盘尔我听
儿媳奔波忙日夜 欲抛老院眼中钉

现代男女，不容父母同居者，数见不鲜。

世间为事一窝蜂 前浪方埋后浪凶
看似花开饶境界 已迟钻入满烟烽

人如禽兽，常随「群集本能」作事。

父母生来谁不贪 黄泉碧落尽包涵
当成上帝孤生子 胜过人皇小猛男

咏耶稣。

耶稣自称上帝孤生子。

沙漠英雄世最贪 为神为帝统包涵

刀光闪闪生天国 绝后空前此猛男

咏莫罕默德。

莫罕默德出生于沙漠之国，故称「沙漠英雄」。彼以「神圣战争」宏扬宗教，创立天国。

好揽极权仍一贪 诛锄异己未包涵

花红树绿好人间 朝去昏来一日还

也算得尝乡土味 游鱼思水往新山

余本马来西亚人，五十年代到新求学，其后即留此「搵食」，成为新加坡公民。

而来一贯候车舆 天下奇观人变鱼

攘攘熙熙争乐去 阿拉见此最心舒

搭公共汽车前往新山，时常非常拥挤，候车人排长龙，鱼贯而来。

新加坡人往新山，多为购物或玩乐，彼处商家，展臂欢迎。

飞鸟吱喳抢出笼 阿妈阿婶挈儿童

年终学校关门了 赶去广场搬个空

一排椰树过长滩 少也癫狂老也欢
日暖风和天地好 人生到此最心宽

盛世太平黄亚福 车声人语直扳天

小摊大店行行有 最惹垂涎廿四槌

黄亚福街系新山主要商业大街。

榴槌最佳者名 D24，又名苏丹榴槌，因供奉苏丹享用而得名。

敲鼓街边作什么 可怜乞食阿盲哥

一元售尔巾三叠 尚有闲嫌价太多

常有盲目马来人，敲鼓买纸巾乞食。

远近知名烤鸭皇 招牌满壁响堂堂

药材甘味嘉醃辣 啖后喉唇隔日香

有当归鸭、有泡参鸭、有嘉醃鸭、有枇杷鸭，尚有其他美食。

人眼路边皆垃圾 人来车往乱糟糟

管家睡了焉知事 天天天生尔勿嘈

新山不改，旧习常留。

假日广场千样有 价廉物美碑同口

狮城穷汉特忘形 背负手提捎尽走

假日广场 (Holiday Plaza) 为新加坡人最喜欢光顾之购物中心，余亦常

往。

星洲豪客是肥羊 宝器珠光钱满囊

无路走投亡命汉 济贫劫富截街抢

先敬罗衣后敬人 不嫌如洗一身贫

公堂也晓装门面 外耀辉煌内耀尘

新山法庭。

皇后花园阿敏娜 娘娘美誉艳如花

懒修边幅脏兼乱 莺燕三星聚作家

此为新山一卫星小镇。

奔走两端如蚂蚁 晴来雨往何曾止

皆因甜物摆前头。见到圣贤心也喜。

新马经济关系密切，两国间长堤上货车来往频繁，时常塞路。

此间养老是桃源。自可栽花垦果园。

岂意使人缠手足。故疑通敌夕朝烦。

退休后，企求归隐故土而不得。

吾本彼邦穷困人。饿来求食作良民。

寒更暑换惊风雨。鳍上沙滩血浴身。

粤谚有云：「黄膳上沙滩，唔死一身残。」

在新数十年，凄苦备尝。

小峡过堤投故国 奈何今日已非家
可怜骨肉成仇寇 人事从来多可嗟
新马分成两国，骨肉变仇。

北南两地无由择 此马他狮孰主宾
说尽皆因分种色 醒人何预费精神

马谓马来西亚，狮谓狮城；狮城即新加坡。

消息频传大破财 排山倒海盖天来
但将脑袋沙中钻 休问弗闻装不哀

马来西亚经济最近突遇风暴，余于新山薄有资产，亦遭波及。

澳大利亚有鸵鸟，此物闻警不知逃跑，但将脑袋钻入沙中，不闻不问，自骗无险。

天崩地裂无来纸 日用家常廉似水

狮岛顽民万丈涎 香甜群赴狂如蚁

于风暴中，马币贬值，新币相对升值，新民抢入新山搜购廉货。

Melayu, 往日音译为无来由，今译马来。

又来热闹挟沙丁 轻快当无此日形

片刻桃源虽苦短 网罗冲决骋心灵

余亦狂民之一。

自有真
懷藏簡朴

国人少悦寒山子 日夜东瀛诵至痴

一爱油头脂粉面 一耽村妪自然姿

国人喜爱华奢，日人崇尚朴素，常于服饰、建筑等，亦可见两者差异。

壮妇岂劳脂粉饰 桃红两颊自然妆

六朝薄质繁文体 万古昌黎耀异章

六朝骈体，有文无质。

韩昌黎文起八代之衰。

憨厚平凡最可亲 千回不厌饮清醇

从来少见如斯者 真实性情陈健民

读陈健民《曲肱斋短笛集》。

为诗巧合似寒山 不耀衣冠不整颜
自有真怀藏简朴 岭头白雪亦斑斓

不言守旧不标新 画出眉毛要似人
故弄玄虚来怪客 西风学妙捧心颦

现代华文界，喜爱效颦西洋，亦步亦趋。

半显半遮生韵致 巫山云雨态朦胧
先唐风气开商隐 今世新潮闹狡童

论朦胧诗。

孜孜朝暮费吟呻 敝屣鹑衣世不珍
沧海桑田时已变 三都失宠纸能贫

左思成《三都赋》，豪贵竞相传写，洛阳为之纸贵。

是非颠倒我扬雄 阔论高谈屡落空
惟有辞章传万世 奖金诺贝尔见新风

扬雄擅作辞赋，后薄此道而转写哲学。

现今世界，如写文学，或可荣获诺贝尔奖金，写哲学则不可。

吟诗亦见发烧友 七日一周难辍手
如此辛勤究为何 中华我爱心同口

发狂赋诗。

发热友：狂热至发烧之朋友。（粤语）

为诗岂在耀文章 知己因逢说短长

难得殷勤频送炭 不由他老死冰霜

淳于兄诗来，有如雪中送炭，暖人心怀。

拈来顺手写真诚 欺世盗名无那情

缄口适时缄更好 误人子弟乱雷鸣

文章须真。

发烧发冷写诗来 人老珠黄未弃材

喷出熔岩千万桶 牢骚吐尽快心哉

千年万代寒山子 姓氏羞遗享大名

偶发牢骚随处写 诗人美誉岂曾争

寒山子，不知何许人，因居寒岩，人遂以寒山子称之。尝於竹木石壁，村野屋墙题诗，其本人从未辑藏。

五千文字因关吏 自隐无名播令名

沙数门人扬大哲 光昭日月未尝争

老子未尝欲著书，去周出关，因关令尹喜之请，方留言五千。

风流神武唐天子 国色天香杨玉环

天宝开元成两治 英雄多丧美人关

英雄好色。

唐天子：唐玄宗（李隆基）。开元（713-741）、天宝（742-755）为其在位时两年号。